

中华全国图书馆

文献缩微中心



山西省图书馆 摄制

1989

〔光緒〕懷仁縣新志十三卷首一卷

〔清〕李長華修姜利仁纂

清光緒三十二年刻本

四冊

原件收藏

山西省圖書館

原件書號

24712-15

原件狀況

原件有部分字跡模糊

本部書共攝制 1 卷 卷一至卷十三首一卷

版權所有 不准復印

# 本部书开始

本片卷含：卷一至卷十三首一卷

懷仁縣新志



(1118)

重修懷仁縣新志序

縣之有志誌縣事也予於癸巳秋蒞任懷邑於斯邑之事蹟無不究心歷歲餘而總未得其詳因慨然曰若有志可披籍而得之懷仁地雖編小猶是縣也何以未有志心異之及與孝廉馬君蕃於公讌之時談及此事公曰懷非無志也自前明党公創修而後至光緒七年邑侯李與孝廉姜君利仁重修新志事未竟而李公去職姜君亦赴平定學正任而縣志之事遂置之不問且於梓人工價未盡付還後雖有好義者出空拳無濟是以有志如無志

(24712)

焉。予聞之曰：噫嘻！為此區區之工價，而使邑乘廢弛，良可惜也。因即捐廉五十千文，以成就其事。俾前之善行舊跡，不致淹沒；而後之宰斯邑者，亦得便於稽考。李公於書成時，而未有所序。都人士請序於予，予即以目前所為，聊以著於篇首云。

光緒三十一年冬十月，知懷仁縣事，崑山汪大浣序。

### 續修懷仁縣新志序

縣之有志，猶國之有史，所以記往蹟，昭來茲，舉凡境內之列宿分野，山川城郭，村鎮堡寨，風俗土宜，人物文辭，無不畢具。然上而列宿分野，其不變者也；下而山川城郭，其偶變者也；風俗人物，又其屢變者也。不有志以記之，不得其詳，不屢加修輯，以誌之，仍不得其詳。懷仁古未有志，自前明邑侯党公創修縣志迄於我朝，光緒七年邑侯李公長華重修新志，分門纂集，體例精嚴，考核詳備。自癸未年開彫，至乙酉年告竣，惜事未竟，而李公去職。其經理諸公

亦皆次第凋謝維時蕃方遊學京師未預斯役甲辰歲邑  
侯汪公大浣淦任博稽古蹟以縣志詢於蕃彼時蕃雖未  
與其事而頗聞其詳曩以板費欠缺故淹滯至今遂以其  
事請於公公即慨然捐廉以薦事且命蕃續補二十餘年  
事蹟嗟乎蕃何能續志哉自姜君秉筆重修分野山川城  
郭堡寨無少變更惟人物有繼起者寺宇有重修者若不  
續刻未免向隅且不足以示後世是以不揣冒昧援筆直  
記據實補錄門類悉依舊例亦不更作贊語非敢云續志  
也姑以誌不忘云爾

光緒三十二年春三月邑人馬蕃序

原序

志記也縣之有志由國之有史仰觀乎  
天文而分野著俯察乎地理而疆域周  
逖稽乎往帙而沿革異宜尚友乎古人  
而賢詰殊績諸如財賦之貢於地貨物  
之產於鄉藝文政蹟之標於往昔以及  
觀宇坊牌橋梁都鄙之類無不一指掌  
而釐然辨晰若是乎志之不可無也而



奚獨遺於一懷仁也與哉按故懷仁未  
有志懷之有志自閔川楊公始公閔中  
高陵人宰是邑病其無徵於是博採傍  
蒐積成一帙無何廼遷去繼公事者實  
華麓党公為之益增理焉既分曹析縷  
受成卒業爰自付於了公之所未了無  
何又遷去維時蓋萬曆辛丑夏適不佞  
承乏是邑囑公門下士王君子懷督梓

繡梨踰四月始以成書告並問序不佞  
不佞竊嘆曰有是哉閔川華麓兩公之  
用心如斯難也蓋不佞嘗謂志為難矣  
顧其難者難在蒐獵耳未聞蒐之而不  
可得者乃懷仁遠戍邊圉地當車馬之  
衝自建置而來遷徙靡定為諸史家之  
所不載是志固難而二公所為志尤難  
之難也雖然化行有漸道泰以期今聖

天子車書大一統三陲宴然行見奕奕  
乎炳炳乎人文宣著聖詰挺生真足以  
媿前修而先後葉頓令掌史事者日書  
不暇未必非自今日二公之志始  
萬曆二十九年歲次辛丑仲冬

知懷仁縣事安肅王植撰

原序

党以上京日書掩懷邑命不佞為其志後序不佞何  
能為序然党公命則固不敢負也謹按其志之有志記  
其事也懷仁縣久未有志蓋其志之修否係乎縣之懷  
邑地瘠民貧去遠地僅百餘里迨兵自犯疆先當其鋒  
戶口衰跡逃竄者不知其幾而國稅視昔則益加矣今  
是邑者日趨於墜科尚不免隨補是懼何暇為其志  
計哉以所懷仁公志有志高陵閔川楊公宰懷日謂懷  
無志懷事何以不後迺博採傷菑積為一帙夫初上之

分野之地理中之軍國重務翠然足述矣公於以爲不  
足以傳後竟未付梓萬曆己亥邵陽無黨公未令器  
邑得公志閱之嘆曰楊公苦心乎吾固不啻於終其事耶  
乃之分曹析縷釐正者亦多指存毫釐材七百里外以聚  
版若干即日乞諸刻矣公性正身率物雖年不肯枉道以  
忤中丞迺調汝州志事託之廩生王子橋聖天子念懷邑  
難以吏部簡王公賢是柔之仲夏未渴孔廟畢即進諸生  
徒誦解考業王生橋遂以志請公曰茲為政首務也忻然  
命梓人編之公別號育菴安肅人子易也代下車甫三月凡  
所施為綽綽乎悉有調停四民因不稱便焉公自少亦才  
時聘修保寧府志館中每所覈實尤以爲人史體保寧志  
遂詳之乎有聲寰宇異時以其修保寧志者修懷仁志  
俾慕爾意邑得久矣方名筆斯豈此子百之一快觀也哉雖  
然公之序一出而雲漢昭回諸士子喁喁向風矣因作移人  
寸一尺機乎噫揚公創百季之所來創王公集兩公之所來  
宋時稱芳道云教諭岳陽果君宏開文苑典史應山王君  
戢寧地方誼合併載之以記其美

萬曆二十九年歲次辛丑懷仁縣訓導史留趙邦翰撰

汶仁縣新志

總修

分理

纂輯

監修

校閱

採訪

繪圖

謄錄

繪圖

督辦

總修

知

分理

守

典

纂輯

訓

舉

縣

備

史

導

人

李長華

趙其昌

殷世昌

郝敦圉

姜利仁

李文林

廩

監修

校閱

生

採訪

貢生魏

廓

教諭陳國正

廩生鄧毓麒

舉人孟謙

增生韓國正

繪圖

舉人傅

倬

陽高縣人

千總龐尚中

王夢周

石聲揚

郭映斗

膳錄

廉生柴杰

增生師國鈞

督刊

歲貢姜安仁

增生賀鎰

懷仁縣新志目錄

卷首

序

圖考

卷一

沿革

星野 新月祥異附

疆域 形勝烽堠附

卷二



山川水利橋梁附

古蹟宅墓附

卷三

城池堡寨附

公署驛站附

學校坊表附

賦役稅課倉場附

兵防邊警附

卷四



壇廟寺觀附

風俗物產附

卷五

職官宦蹟附

卷六

封爵誥贈附

選舉仕宦附

卷七

人物孝友忠節義行文苑寓賢藝術附

卷八

藝文上列傳墓誌

卷九

藝文上列傳墓誌

卷十

藝文中碑記

卷十一

藝文下題詠

卷十二

雜誌

跋語



懷仁縣志卷一




支





# 城隍圖




清涼



石井


寺圖

窺前列聖  
 岫天際  
 理淨窟  
 長生窟  
 惠好風碑俱



悟道

五龍圖



五龍





村家要

庄家遊

有方塘一鏡分帶三  
河之雙河樹陰翳  
而水光接天兮願  
橋詩客聞題頭

五龍河

河

唐道河

圖考


小







樹之扶疎水之清淺魚躍鳥飛



海國華林水閣



懷仁縣新志卷一

沿革

懷仁縣地在唐堯時屬冀州

虞析冀為幽并二州地屬幽州

夏復併為冀州

商封同姓為代子地屬冀州

周分天下為九州地屬幽春秋代子僭王地屬代戰國

趙襄子滅代地屬趙

秦分天下為三十六郡地屬雲中郡

漢沙南縣地漢書地理志雲中郡有沙南縣郡國志同  
遼史地理志懷仁本漢沙南縣省志云沙南在漢屬  
雲中郡郡治雲中縣屬城十成陽陶林犢和沙陵原  
陽沙南北與武泉陽壽按懷仁在大同西南與漢雁  
門郡之灤陶為近  
北魏縣廢遼史地理志元魏高榮亂沙南縣廢攷晉魏  
書俱不見沙南縣是東漢末已併為雲中一縣屬新  
興郡非廢於元魏也魏都平陽城西盡善無南極陰  
館縣治去平城七十里當是魏畿內地形志不載

隋初為雲州開皇二年移雲內於此大業二年置大利  
縣屬定襄郡郡治大利縣攷隋書地理志大利縣有  
長城陰山紫河在今朔平邊外懷仁要隸雲內縣地  
唐雲中縣地五代唐因之隸雲州遼史地理志奉義縣  
析雲中置後唐武皇與太祖會此攷唐書沙陀傳五  
代史唐本紀遼史太祖本紀皆載會雲中事惟遼史  
地理志云會於雲州之東城又曰恆安鎮今謂之東  
城是東城即奉義而懷仁更在其西實則遼以前皆  
為雲中縣地也又攷五代史載唐大順五年李克用

攻赫連鐸於雲州遼史地理志懷仁縣下亦言克用  
敗鐸駐兵於此蓋唐雲中郡僅領雲中一縣其地廣  
遠遼之大同天成白登奉義懷仁皆從此析

遼析雲中縣地置懷仁縣因太祖會後唐武皇於此取  
懷想仁人之義故名隸西京大同府在京南六十里  
戶三千按大同府治大同縣屬城六雲中天城長青  
奉義懷仁懷安

金初為懷仁縣貞祐二年五月升為雲州有黃花嶺錦  
屏山金龍山早起城日中城隸西京大同府府屬縣

七鎮三大同縣鎮一奉義雲中縣宣甯縣鎮一窟龍  
城懷安縣天城縣白登縣懷仁縣鎮一安七噎攷邑  
太清觀創始碑在章宗承安間已稱雲州金史地理  
志謂貞祐年升殊不相合當是史家之訛

元仍改懷仁縣隸大同路錄事司司治大同縣元史地  
理志大同路領縣五大同白登宣甯平地懷仁

明隸大同府調安東中屯衛後所守禦明史地理志懷  
仁在大同西南西有清涼山南有桑乾河西南有偏  
嶺等口攷明史永樂元年置東勝中前後三千戶所

於懷仁等處守禦省志舊志皆作安東中屯衛後所  
與正史異

國朝因之曰懷仁縣仍隸大同府順治十六年所裁併歸  
編戶九里後裁為八里今分十里二佃

民里十

在城里

東關里

東作里

安七里

小峪里

四老里

辛一里

辛二里

安七佃

辛一佃

屯里二

所里

衛里

山河終古不易而郡縣代更者端由興廢無常用  
是沿革不一沙南歷漢四百年魏晉省入雲中元  
氏統歸畿內隋置大利無幾時至李唐五季復合  
雲中為一縣矣契丹因事命今名後多因之惟金  
源氏陞雲州僅數十年耳按籍而稽其裁併增設  
瞭如指掌是用條分以資考覈可也

分野 新月祥異附


周禮保章氏以星土辨九州之地鄭注昴畢冀州也  
史記天官書昴畢冀州昴曰旄頭畢曰罕車正義曰  
昴畢為大梁之次

漢地理志趙地昴畢之分野定襄雲中皆趙分也  
晉天文志昴畢趙冀州

隋地理志自胃七度至畢十一度為大梁屬冀州  
唐天文志胃昴畢大梁也地理志代雲朔蔚為大梁  
分

明天文志胃四度至畢六度大梁之次也山西布政司所屬之大同府應朔渾蔚四州皆昴畢分帝王世紀自胃至畢十一度曰大梁之次於辰在酉於律為姑洗斗建在辰今趙分野

昴宿圖



昴七星十一度下為日月中道天之耳目也主西方主獄事又為旋頭甘氏云主口舌奏對若明大則君無佞臣天下安和張衡云昴明則獄訟平

畢宿圖



畢八星十七度主力兵主戈獵其大星曰天高一曰

邊將星明大則遠人來貢天下安甘氏云畢主銜巷  
陰雨天之雨師也明而定則天下安

### 新月

初三日哉生明故天下之見月皆於初三獨雲中一  
郡於合朔次日已新月如眉遙橫山際間或高踰數  
竿無論大小建皆然攷王千波雲中新月記云從來  
新月生於初三書曰哉生明禮日月三日而成魄此  
古今不易之說也歲壬午赴雲中二月初二日薄暮  
抵懷仁驛館則新月銜山如窺來客余訝為出塞得  
奇觀矣三月二日雲中郡閣又復見之則知雲中之  
月初二必見為天下所無未經前人道過實余獨得  
之奇矣

### 祥異

元魏孝文帝太和十一年大饑

廢帝普泰二年九月地震

遼聖宗太平二年地震

道宗咸雍四年六月壬子雨穀

太康元年饑賑之



元成宗貞元七年八月懷仁雨雹隕霜殺禾九年四月  
大同路地震有聲如雷壞官民廬舍五千餘間壓死  
二千餘人又地裂二所湧水盡黑漂出松柏朽木其  
一廣十八步深十五丈其一廣六十六步深一丈遣  
使賑之

仁宗皇慶二年懷仁雨雹

英宗至治元年三月大同路大風飛沙壅沒麥田  
泰定帝泰定三年六月大水

文宗至順二年四月旱不能種告饑

順帝至正元年大疫二十八年懷仁縣河岸崩有魚  
大小綰結可載數車

明成祖永樂十四年饑

英宗正統十四年饑

景帝景泰元年饑二年又饑

世宗嘉靖二年大旱赤地千里二十七年大稔三十  
一年大饑人相食四十年地震

神宗萬曆八年懷仁水九年地震有聲三十八年四  
月旱饑九月疫多喉痺

莊烈帝崇正十四年旱

國朝順治四年蝗奉

旨賑饑

康熙十八年饑二十八年又饑三十三年饑六十年  
早六月澍雨秋禾大熟

雍正元年春二月五星聚奎田禾豐收人歌樂歲三  
年二月初二日日月合璧五星聯珠八年旱

乾隆元年歲大熟六年七年復大熟十年旱秋禾被  
災十一年懷仁雨雹十七年歲稔二十四年懷仁旱

霜秋禾盡殺三十八九年至四年俱大熟五十二年  
歲大荒

嘉慶十六年饑二十四年七月大雨七日夜二十五  
年十月大雨

道光元年日月合璧五星聯珠十二年夏旱秋霜流  
亡甚衆十三年雨雹十六年飛蝗入境秋禾盡食百  
姓賣妻鬻子流離死亡者過半焉十七年大熟十九  
年饑

咸豐四年斗粟五十錢八年秋七月傳門瘟疫弔送

者絕跡八月地震十年春二月雨雪四十日平地雪  
深三尺歲大熟十一年八月初一日日月合璧五星  
聯珠九月邑南園蕙花重開白鴉見

同治六年瘟疫流行牛羊多斃十年七月二十七日  
大雨七晝夜不止平地水流成河居民房屋浸倒無  
數十二月初二日夜四更紅光滿天如日初升自丑  
至寅經時方散

光緒二年九月二十六日地震三年夏旱秋霜五穀  
不登懷地山村較甚斗粟市錢千餘人食草實樹皮

死亡甚衆縣侯陳鴻翥詳請賑卹爵撫部院宮保曾  
奏

聞奉

旨開倉賑濟蠲免本年及次年丁糧民賴以甦又十月初  
二日日中食時二城現山村望之雖遠隔七十餘里  
彷彿如在目前自卯至辰經時方隱富家村見者尤  
衆四年歲大熟五年五月十三日地震

分野之說起於周禮保章氏所以觀妖祥也地有  
定域星有定主人事得失而休咎應之無毫髮爽

古謂善言天者必有驗於人勿執一成之說必謂  
占驗事應之斷不足據也

疆域形勝峰堠附

懷仁縣在京西八百一十里省東北五百六十里府  
西南七十里

東至大同界新橋三十里

西至左雲界山井二十五里至左雲縣治九十里

南至山陰界鄭家莊七十里至山陰縣治一百一十  
里

北至大同界霸王店二十里

東北至大同界毛家窰三十里至大同縣治八十里

西北至左雲界長流承六十里  
東南至應州界劉霍莊三十里至應州治六十里  
西南至朔州界營房溝一百四十里至朔州治一百九十里  
東西廣五十五里南北袤九十里  
南繇拳伏梁磨道河經宋家莊薛家莊過上希莊第三作至鹽豐營黃花嶺舖凡七十里入山陰鄭家莊為太原保德大路  
北繇三里莊柳東營舖經里八莊凡三十里入大同

秀女村為直隸宣化大路

東繇西安堡凡四十里至舊站舖又十里至小長城舖南入應州三門城亦為孔道

西南繇白家堡劉晏莊經西官道大峪口至碗窰入左雲吳家窰為右玉歸化城大路

東南繇南晏莊馮家莊凡二十里至清水河堡過薛家莊入應州温家坊為小徑

形勝

金衛周臣曰雲州背依雲府面揖金城桑乾縈帶於

左錦屏環峙於右  
舊志云懷仁黃花聳其前三臺擁其後東映鎮海西  
壙峪口

大峪口縣西南四十里山徑甚廣可行車馬南通雁  
門西連左右衛諸城堡舊設汛兵防守後裁撤通志  
云懷仁之大峪與左雲之紅羊峪形勢相連胥四峯  
山阻隘也

小峪口縣西南三十里勢最險峻

偏嶺口縣西南五十里



馬什嶺口縣西北四十里

鵝毛口縣西北十五里可通車馬入右玉威遠之要  
徑

四老口縣西北四十里東北連七峯山

鵝鴿峪口縣西南三十里

陳家峪口縣西北二十里

小磨口縣西北十五里

悟道口縣西二十里

炭嶺口縣西二十五里

蘆子口縣西南二十五里

紅山峪口縣西南三十五里

西安堡縣東三十里設兵防守

烽堠

四老溝墩

窩寨墩

長流水墩

醜崖懷墩

南新莊墩

老鶴臺墩

石井墩

蘆子墩

王平墩

大峪口墩

虎頭崖墩

鶯架山墩

鵬窩墩

劉元墩

寬溝墩

北嶽廟墩

玉皇廟墩

王平墩

滋潤墩

偏領口墩

新寨路墩

黃花梁墩

梨園墩

趙馬寨墩

周家窑墩

灰河梁墩

西安墩三

鵝毛口墩

甄家莊墩

小峪口墩

張家圪塔墩

蓮花墩

寶峯山墩

明史邊防志山西緣邊峻垣深壕烽堠相接隘口通

車騎者百戶守之通樵牧者甲士十人守之各處煙

墩增築高厚上備五月糧及柴薪藥弩墩旁開井井

外圍牆重門禦暴之意常凜凜也

先王區九州以別土紀使各有定守而不相侵越

懷地絕長補短僅五十里疆域亦甚隘矣而鄰治  
犬牙相錯多跨據邑境內則又隘之隘者也然廣  
狹不同其隸吾國者版章土宇四履分明守土者  
正經界達徑途扼巖阻備守眊皆當官之責也畫  
表區疆又烏可以已

懷仁縣新志卷二

山川水利橋梁附

七峯山在縣西北三十五里高八里盤踞三十餘里  
山有七峯曰筆峯曰太史峯曰劍峯曰龍峯曰白雲  
峯曰摩天峯曰玉女峯七峯羅列惟摩天峯最高其  
脊有青石盤旋至巔遠視如龍狀故又名玉龍山石  
壁有洞洞口風聲迅疾深杳莫測上建佛寺以鐵瓦  
覆之登視者援鐵索履浮木而上下覩諸山若凌空  
然中有恆嶽行宮山巖竦出風雨不侵誠天建也西



壁石鑿百梯上透山峯有玉皇聖母廟下有帝君廟  
十王殿東計二里許有朝陽寺又東一里許有黃龍  
洞皆峭壁險巖雖有浮橋遊人多不敢上  
高家山在縣西北六十里王盛莊北  
禪房山在縣西北三十里高七里盤踞四十里西連  
馬什嶺四老山北連七峯山之紅沙梁月窟嶺一峯  
壁立土人名丈人峯上有七級磚浮圖旁建佛寺禪  
房俱遼時所建道光間重修其塔高揮雲表占雨一  
如清涼塔過其地者往往聞木魚聲

得勝山在縣西北二十五里口名寺峪入口石巖斬  
峭山脊崎嶇又名葫蘆峪隆慶年上建元帝廟老君  
廟居人鑿砌石梯數里攀援而上下有石井深不可  
測

陳家峪山在縣西北二十里口內有構腿山形如刻  
削相傳宋將楊業兵敗於此攷宋史潘美王侁陣於  
陳家谷口趣業進戰使人登托邏臺望之在今朔州  
西南甯武山上是陳家谷必附近朔州今本縣之陳  
家峪距朔州西南境二百里有奇且彼時遼復取寰

淵為今馬邑鄉業等自雁門帥師北行戰敗引還不  
當反越馬邑而北也又西北五里有圍山上有寺南  
五里有小磨峪諸山俱在禪房山東南岡嶺相接  
鷲毛山在縣西北十五里西通左右衛中多窰峪往  
來車馬不絕口內有駱駝山又西有麻燕山斧刃山  
形殊秀削

石井山在縣西十五里入口皆層巒疊嶽曲通清涼  
寺南有石井故得名馬邑廩貢孝義縣教諭陳國正  
石井記云悟道村夾溪而居循溪西尋半里源盡而

山壁立俯視石坪有石井焉口洞圓窺之正黑非砌  
石非淘沙穿穴塊石三數丈泉湧如鼎怒沸汲者必  
續修綆而後得水然亦有陡溢井外與溪合流之時  
水不受物好事者以石投井隨激射而出道光丙申  
邑大禋井亦隨涸居民汲飲鄰村後多逢年井養如  
故田家不諳五行用占豐歉多奇驗緣麓北去三里  
許聚族百家遂以井名其村  
清涼山在縣西十五里高七里許頂有磚浮圖數百  
里外可望見每旱有白雲籠塔即雨舊有利國鐵冶

元西京爐冶之一也北壁有石礮土人云內有金鑽約三寸許觸之輒動取之不出石堂有地鼓擊之聲瑟瑟然西有寒泉雖盛夏不敢飲下建文殊院今半圯西北峪中有石人山峯頂石牙弩出為人形約五六酷似衣冠拱揖狀俗名石聖人

錦屏山在縣西北十五里山峯聳翠狀若列屏舊有磁窰鐵冶西有柏山分隸大同左衛西北有香爐山蘆子山在縣西南二十里舊有鐵冶西有牛頭嶺小峪山在縣西南三十里上有張萬戶洞勢甚險峻

有變人咸避兵於此俗名蟒窟相傳關帝斬蟒於此故南巖建關帝廟廟東有馬蹄遺跡其西南曰鴉鵠峪北曰豬頭山山下出泉又有馬鬃山五指山俱象形得名焉又有響石澗水石相激逸韻如琴同治八年石壁塌出字跡十餘行約畧記程之語牙余山一名紅山峪在縣西南三十五里上有捨身崖

大峪山在縣西南四十里高五里盤曲二十餘里與左雲四峯山連接翠峯對峙林木森鬱上有鵬窩寺

寺上險絕處有鵬巢遺跡故又名鵬峪路徑差廣可通車行南達雁門西通紅羊峪雲西代北要道也明時賊犯應懷每出沒於斯當時撫按議築城扼守擇地創址竟未就緒

鶯架山在縣西南五十里張毛圪塔西北

燕家山東北距縣治六十里上有燕家洞石鑄燕洞賓重修五字又西南十里曰金龍山山下有泉通馬邑金龍池

寶峯山在縣西南九十里東連燕家山

薛家山在縣西南一百二十餘里與南寺山相對

富寒嶺在縣西南一百二十三里與西黃花嶺相連高出羣山之表雖當盛夏尚覺寒氣逼人故名

大樺嶺在富寒嶺西中多林木鄉人恆樵採於此

西黃花嶺在縣西南一百二十五里與富寒嶺相接琉璃山在縣西南一百三十里即所里南北山之界娘娘山在縣西南一百一十里與山陰接界上有北嶽聖母諸廟因以得名

南寺山山中林木茂盛石徑崎嶇上有千佛寺詳見

寺觀

鎮子梁西北距縣治二十里獨峙一方高里許南北亘十餘里邑之東鎮也

三臺嶺在城北三里東西亘二十里長坡起伏為縣城後障

鵝毛河源發左雲老龍王山東流四十里入縣界出鵝毛口分為二北河流逕于家園東北十里過大同之霸王店復入縣境里八莊窑子坡水西北來注焉又東南三里至東作里西又五里至新發村西又東

南十里逕陳家莊入灰泉村折而東南至大同之神嘴窩入於桑乾河

五里河即鵝毛南支東南流逕窑村西小寨距城五里又逕何家堡東泉流始旺東南流逕磨道河村北東流至羊截橋北折而東南至南晏莊入小峪河

三里河發源北澗溝港汜紛歧衆流俱導逕三里莊東南至下寨村西逕風火臺至海北頭村北沙河西來注焉又五里至上海子村入小峪河

北沙河北數十武昔無水今始出泉東南流逕管

家莊東又七里至海北頭入三里河

南沙河城南數十武逕七里寨北入黎家寨東南注小峪河

泥河縣西南十二里導流悟道口東流十里逕趙家莊西又東南與五龍海支流相會入磨道河村南至輝鳳坡西入宋家莊河

宋家莊河導源要集村西東南流入宋家莊又東過半截橋輝鳳坡入小峪河

鴛鴦河在縣西南二十五里二水交匯故名源發蘆

子口東南流逕宋家莊南又五里至雁頭村東入小峪河

小峪河距城二十五里導源柏山下流三十里出口逕莊頭村南過雁頭村至半截橋輝鳳坡東宋家莊河西來注焉又東五里至南晏莊東南五里河西北來注焉又逕曹四老莊南東流北折至下海子村北東南過鎮子梁會蝦兒河入於桑乾河

蝦兒河舊名薛家莊河距城三十里水出紅山峪東流逕王胡姜舖北又東過趙馬寨周家窰北又五里

入于濕莊南來三里逕馮家莊北又東北十二里入  
下海子村東南流逕鎮子梁會小峪河入於桑乾河  
大峪河即左雲之馬頭河至益窰村入境東南出大  
峪口十里逕上希莊北又十里逕趙馬寨北又東南  
逕石家莊安岱莊南又五里至清水河堡南入應州  
劉霍莊東注於桑乾河其故道也邇來由清水河堡  
東北逕小寨南又東北過鎮子梁會蝦兒河入於桑  
乾河

清水河一名南河源出邑南四十五里之韭畦付東  
南流逕南埠村南又五里逕水磨村北折而東南至  
應州之臧家寨入於桑乾河

新莊子河距城七十里兩源俱導一出劉晏莊貫家  
溝一出南家堡圪塔灘匯入新莊子村西南流逕黃  
花嶺出大于口入山陰界逕小圪塔入桑乾河攷水  
經注武周塞水出故城東南流出山逕日沒城南東  
有日中城又東有早起城在黃瓜阜北曲中其水又  
東流注桑乾河蓋古武周塞地勢遼廓盤踞數千百  
里北至大同之武周川南盡懷仁之黃花嶺北諸水

雖支派各別而均謂之武周塞水  
桑乾河西北距縣治三十里邑中諸水俱匯入桑乾  
而過境處止黃家莊西安堡十餘里其水發源馬邑  
金龍池水經注謂之濕又謂之潦涇東北流左合武  
周塞水即新莊河入桑乾處也又東北逕白狼堆即  
清水河入桑乾處也又東流四十九里東逕巨魏亭  
北在今鎮子梁南邑諸水胥從此入又東逕劇陽故  
城崞川水注之在今西安堡東南即渾河歸桑乾之  
處過此即隸大同

鎮子海在縣東南十五里周迴二十五里中產鯉魚  
大十數觔鵝雁諸禽孕哺其間因居民決退水渠導  
流於桑乾故水涸魚竭變為禾黍近多產鹽  
灰泉在縣東二十里脉通黑河邊外燒荒草灰自泉  
湧出元大德乙巳夏懷仁地裂二所湧水盡黑漂出  
松柏朽木即此泉也今灰泉村西南里許有煖泉隆  
冬不凍正南有寒泉夏季水底猶有伏冰二泉寒煖  
不同而水灰黑如一又寒泉之東有土阜高丈餘大  
畝許掘三數尺便得泉味甚甘冽俗名水圪塔



梨園海一名長海在縣南三十里閃家寨迤邐六七里淵潭相接蒲葦橫敷中多魚蝦南涯建海神廟邑中渚水無有大於此者海南里許有古北寺北寺之南有南寺今廢遺址畧存別一梨園海在周家窰西今涸

五龍海在縣西南十五里廣畝餘深不可測菱芡青蔥鯁鯉潛躍旁建五龍王蜡廟禱雨輒應每歲五月十八日報賽遊人甚衆

聖水泉在海子村北村舊無甜水忽平地湧泉清甘

而冽民咸賴焉旱禱輒應

神泉在縣北四十里泉二眼水甚甘冽

暖泉邑東北里許嚴寒不凍

雙井縣南九十里地一丈湧泉二所今砌為井故名

舊志有古鏡泉莎泉未詳其處

黑龍池在縣西南一百二十餘里土山下湧出泉水

相傳與朔州神頭金龍池相通

### 水利

鵝毛河水甚腴鵝毛口于家園甄家莊溉田甚多獲

利亦最厚里八莊灰泉村間亦引灌  
五里河獨溉半截橋地約三十餘頃

三里河溉下寨地二十餘頃海北頭亦分用焉

北沙河溉管家莊地有餘則波及海北頭

泥河為磨道河村獨據之水定有水程村人按日輪  
灌

小峪河溉小峪口莊頭宋家莊下濕莊諸村田隨宜  
引溉無定程至曹四老莊草地上下海子村則分日  
輪用還而復始

蝦兒河水程十八日馮家莊上海子高鎮子各三日  
下海子水九日輪用

大峪河溉田甚沃大峪口上希莊獨據上游引灌殊  
便為邑中上腴地東過趙馬寨石家莊則開渠築堰  
導水頗艱矣又東諸村堡定為水程二十日安岱莊  
水四日清水河堡水六日餘十日為應州石橋等村  
分用

清水河舊溉南埠村稻田今不復種稻僅作水磨村  
飲灌塋灘之用其獲利亦復不貲

新莊子河分灌南家堡興旺莊新莊子等村田

### 橋梁

西安橋跨秦乾河距城三十里

古道橋在大峪口內石橋四座今圯其一故碣甚多而人代要言俱為規利者所剝落相傳為素封嫠婦獨力興建以惠旅人然不可詳矣橋東百武有透玲碑俗訛為李陵碑碑中圓如尺璧朗印山水餘都蘇蝕古篆漫漶不可讀

南陽橋在縣南九十里之甘莊子據碑文創自萬曆

十一年道光六年重修西通右朔東入應山胥逕此橋

偏嶺橋距城七十里未詳建始旁有六郎捺腳石酷

肖如印泥

三里橋跨三里河嘉慶二十一年邑貢生虞鄉縣訓導任世齡建

峙而為山流而為川一方之望也鍾靈毓秀燥濕剛柔之氣胥孕於是况山非童也興殖者廣水非潦也輸灌者多語焉而不詳山靈河伯無亦非笑

我乎探其幽穹繪其繚曲亦道元之遺意也並附  
津梁各從其類

古蹟宅墓附

蘭池城漢書地理志沙南縣有蘭池城

早起城縣南三十五里安宿疇北遺址畧存北魏孝  
文帝築土人名雞鳴城亦曰食時城金史地理志懷  
仁有早起城

日中城亦孝文帝築在今日中城堡南遺址俱存水  
經注武周塞水逕日沒城南蓋夕陽西頽征車所薄  
之故城也東有日中城城東又有早起城舊志謂為  
唐雲中縣城秦時築所未詳也

目沒城即今黃昏城遺址猶存其地分隸大懷山三縣

陶林故縣遼史地理志奉義縣本漢陶林縣地後唐武皇與太祖會此

東城遼史地理志太祖與晉王李克用會於雲州之東城又曰恆安鎮今謂之東城是恆安奉義即東城而懷仁在其西疑即今之西安堡也故諺曰先有西安堡後有懷仁縣

南池水經注桑乾枝水又東流津委浪通結兩湖東

湖西浦淵潭相接水至清深晨鳧夕雁泛濫其上黛甲素鱗潛躍其下頰仰池潭意深魚鳥所寡惟良木耳俗謂之南池池北對涅陶縣故城舊志云懷仁東南舊有鎮子海周二十五里中產鯉魚水禽蕃育疑即古南池也按涅陶山陰故地在黃花嶺南與鎮海相距遠甚謂為南池者非是以未忍割愛仍錄於此崇國寺月臺前有生鐵一方濶四尺餘厚尺餘俗傳建城以來即有此鐵足履甚明

梨園嶺縣南二十里乃元薛御史菓園明初土人相

爭没人代府有樹百餘株其果甚佳後為梨園村今亦廢

玉龍洞縣西北四十里七峯山上石壁有洞上建三清廟遊人近洞口則風聲迅疾邑人參議李克用撰記攷水經注火山南岸有風穴厥大容人其深不測穴中肅肅常有微風雖三伏盛暑猶須襲裘寒吹凌人不可暫停其謂是乎

燕家洞在縣西南六十里燕家山其西向陽之石洞名張良洞子房辟穀從赤松子遊寓此

聚仙臺在縣西南六十里禪房村北之天羅寺寺廢臺存上有仙人鐵拐李腳跡拐印

滴水崖在縣西南六十五里之金仙洞石壁有孔日滴水數壺可供一人用

利國鐵冶在縣西清涼錦屏蘆子等山元史食貨志鐵在河東者太宗丙申年立爐於西京州縣撥冶戶七百六十煽焉武宗至大元年立河東都提舉司掌之所隸之冶八利國其一也一統志清涼有利國鐵冶

劉宴莊相傳昔劉宴居此嘗出粟賑饑里人德之以名其莊或疑為唐鹽鐵轉運使劉宴按唐書劉宴傳曹州南華人曾避地襄陽累官河東三川其後貶死中州與懷仁無涉又按宋史劉宴嚴州人入遼舉進士宣和四年南歸懷仁在宋為遼地或入遼時所居舊志謂前明山陰人劉宴當不其然

吳兒城在縣西南一百二十里今已廢顛末未詳每當雨晴之際遠望城垣女牆宛然完好新莊村常見之村南有將臺北有古堡尚存

馬蹄灣在小峪口山勢壁立馬蹄雙雙印入石骨內橫列無數好事者剝落之內外如一悟道口內亦有一馬蹄灣

古寨在樺林溝周里許高據山腰寨內有泉湧出未詳建始何時旁建關帝廟

### 宅墓

北魏丹陽王叔孫建墓在三臺嶺北澗溝光緒元年七月塌出邑侯飭封閉之

金巨河清公張詡墓在縣東下寨村大定二十四年葬

其子張侯擢為上將軍石碑羊虎猶存  
元平章政事趙壁墓在縣西南三里俗名趙閣老墳  
中書左平章曹立墓在縣西北四老溝碑虎猶存  
薛御史墓在縣南薛家莊為元御史石碑羊虎並存  
其名不可考也

明布政使劉道墓在縣南曹四老莊西碑存  
按察副使王汝濂故宅在縣治南鐵門巷  
按察副使王汝濂墓殉節儀賓王爾揚暨婦代宗女  
合葬墓在縣南萬金橋南地名輝鳳坡

總兵管一方故宅在縣治東倉巷  
總兵管一方墓在縣東北東作里  
布政參議李克中墓在縣西

國朝沐陽知縣魏正心墓在城北口泉道東距城五里有

碑

城步知縣張乃紱墓在縣南薛家莊

平定州學正王敬墓在縣東海北頭

天津衛總兵李瑞墓在北沙河

漏澤園在縣東一里許



義塚四在城四隅各一二里不等

九女墳在所里黃花嶺東墳隴尚存人代俱不可考  
相傳一富家翁女性最孝頃刻弗離親側及于歸伉  
儷情淡日飲泣以不得見父母是悲久之憂鬱成疾  
殆將不起諄囑其父曰兒雅不欲與人同穴但能別  
葬某所家山之路可識且得與諸姊妹聚死瞑目矣  
父叩其故不對而逝翁姑憐之僉從其願居無幾族  
中未嫁而夭者八人皆陪葬焉故名

惠將軍墓在城東三里許失名前明惠氏為望族今

無聞矣

劉官人墓在甄家莊失名

古塚四一在上南頭梁坡累累七八座厥大如邱一  
在石井村殘碣有至正元年字餘漫漶不可辨一在  
石家莊磚甃甚精緻一在小峪口名毛家墳下有乳  
泉俱不可詳矣

古往則今來其不與俱往者蹟是也君相所締造  
士大夫所留貽代遠年湮畧存梗概搜奇剔異者  
每於山高水清中髣髴遇之輒憑弔低徊不忍去

24712

嗜古之癖謂人有同情可也及夫名賢印隴久或  
拜掃無人古人有禁樵採於異世者何珍惜如此  
遺簪敝蹤物以人重況其大焉者乎

